



KOMUNIKADO DI PRENSA

Willemstad, 28 novèmber 2017

Kolaborashon BT&P ku Conatel i Agentschap Telecom

Bureau Telecommunicatie & Post (BT&P) diana 14 i 15 di novèmber último a reuní ku representantenan di Conatel ku ta e instituto regulatorio di Telekomunikashon di Venezuela i representantenan di Agentschap Telecom (instituto regulatorio di Telekomunikashon pa islanan BES) na Boneiru. E reunion su metanan tabata pa resolvé kasonan di interferensia i yega na akuerdo pa mihó kooperashon entre e reguladónan di telekomunikashon pa kordiná uso di frekuensia i pa asina evitá interferensia den futuro.

Establesiendo e akuerdonan di koperashon akí, BT&P, Conatel i Agentschap Telecom tabatin e propósito pa krea un kuadro den kua servisionan di komunikason elektrónico lo por wòrdu ofresé sin interferensia den e teritorionan konserní. Adishonalmente BT&P, Conatel i Agentschap Telecom a interkambiá ideanan den área di regulashon i desaroyonan di téknologia modèrno den e diferente bandanan di frekuensia ku ta wòrdu regulá. Ku esaki tur instansia kièr garantisá ku desaroyo modèrno den e sektor konserní lo por wòrdu ofresé na nan siudadanonan pa asina garantisá partisipashon di kada pais den e ekonomia digital.

E puntonan ku a keda diskutí i ku lo firma un akuerdo pronto riba dje ta:

- Uso di e bandanan di telekomunikashon mùbil en partikular e bandanan 700 MHz, 850 MHz, 900 MHz, 1800 MHz, 2100 MHz i 2500 MHz.
- Migrashon di sistema di televishon analog pa digital i su kuadro regulatorio.
- Uso di frekuensianan pa FM radio i UHF TV.
- Protekshon kontra interferensia den banda aeronóutiko i su regulashon.
- Planifikashon di frekuensia den e sistema di PPDR (sistema di komunikashon di servisionan di promé ayudo).
- Uso liber kondishonal di frekuensianan, espesialmente den e bandanan 2.4 i 5.8 GHz.
- Interkambio di eksperensia riba tereno di regulashon regional i partisipashon na reunionnan / konfereshanan regional manera entre otro ITU, CITEL i REGULATEL.

BT&P i su partnernan na Venezuela i Boneiru tin e meta pa firma un akuerdo den futuro serkano ku lo por establese un kuadro tékniko i operashonal den kua tur provedónan di telekomunikashon di kada pais lo por traha konhuntamente den un forma satisfaktorio sin interferensia ku lo perhudiká i disminuí e kalidat di nan servisionan na nan klientenan. Den su afan pa sigui mantené e kalidat haltu den telekomunikashon na Kòrsou BT&P lo sigui mantené kontakto ku reguladónan regional pa interkambiá ideanan i mantené su mes na altura di e último desaroyonan.

[FINAL KOMUNIKADO]

Nota pa Redakshon:

Pa mas informashon tokante e komunikado aki por tuma kontakto ku (J. Martines) Bureau Telecommunicatie en Post riba +(599-9) 463-1700.